



Global Storybooks

globalstorybooks.net

Mayowano murware


rwazambezi

✎ Imelda Lyamine, Albus Chunga Mulisa,
Maria Simasiku, Florence Habayemi Shitaa
✎ kleopas jambeinge
✎ Ruthgela Shawanga




This work is licensed under a Creative Commons
[Attribution-NonCommercial-ShareAlike 4.0](https://creativecommons.org/licenses/by-nc-sa/4.0)
[International License.](https://creativecommons.org/licenses/by-nc-sa/4.0)
<https://creativecommons.org/licenses/by-nc-sa/4.0>


Mayowano murware
rwazambezi




✎ Imelda Lyamine, Albus Chunga Mulisa,
Maria Simasiku, Florence Habayemi
Shitaa
✎ kleopas jambeinge
✎ Ruthgela Shawanga
4
✎ Mbukushu




Dya karire diyuwa dyo ghughenyu
dyoShundaha. Hashengeteya ho muLusese ha
pongire muthitondo thothikuru thoMusikili
muCaprivi.




Mavunguvungu ghawo gho yishamberera gha
yuvekire mukunda ghoghuhuya. Hethire
hashere wagho. "Nakamwu, yowe
nakutaterera. "Tambukeko, Chaze. "Silumei
Wiye tei"




Maria gha shanashanine Ntwala. Ntwala nga ha twaranga kurware kehe Shundaha ha ka yoghane. "Ntwala! Ntwalee! Ntwalaaa! Ntwaloo!" ghehire.




"Ene nawe," Chaze gha menyamenyine, mbadi nakushana Maria gha kukare kudimbo Shundaha gho kurandako. Nashana ka kutangawera nendi naye thivike thokurandako!




Nyokwetu Sibungo gha ghambithire hanuke
 wahaya. "Ntwala ghana ghayara thiwana
 mahumbithero gho kumuroghera Maria.
 Ghana pumura Chaze yoyishi ghana
 yongaritha mutangu. Kenge keho ne mbad!
 gha kukutangawera kuyogha karo."




Ntwala gha kugherire kumutara ghumweya
 gho mukunda, "Yame noi Yamwe
 nakutaterera." Hashengeteya wahaya hatjirere
 kwendi.




"Muna kuroyithera mukuyenda kukuyowana dyarero?" Ntwala gha wepure. "Yii," hahuthire noyishamberera ghu regharegha.




Nyokwetu Sibungo gha tegherere kwaMaria.
 "Oyo ne mbadi ghuhunga Maria, yimango yokupumura hanu. Natumera koyi ghuna rombo mathiyerero. Nakuthiyerera."
 Nyokwetu Sibungo gha tongwere Ntwala,
 "Gho mupiterithi gho muwa."




Maria gha tongwere nyina Chaze, "Napumura
Chaze yoyishi ghana wini mutangu.
Munithiyerepo. Chaze ne muyendhange,
yimango eyi na mupumura."




Mundhira dhawo dho kurware Ntwala gha
wathimwetwedhire yithimwa.
"Tuthimwetwedhe yo kuhatera kumukunda
wetu apa wa handjere," ha ghambire.
"Tuthimwetwedhe yo kuhatera kwaMbawawa
naNguya."




Kumbombwa dho rware kwa karire
 Ghumurwa gho ghukuru thikuma.
 Hashengeteya hashanine murwa dho dhikuru
 thikuma dhaNtwala.




"Nakuthiyerera," gha ghambire Chaze no gha
 turire moko ghendi ghundhondhera Maria.
 "Name naMaria ne nanyi tuyende noye, gha
 ghambire Ntwala kwaChaze. "Maria nanyi gha
 karombe mathiyerero kwa nyoko nako."



Ntuala gha ghambire, "Nakughayara eshi
Maria ne gha kuvumwe kuyowana Shundaha
gho kurandako;" Maria gha dire shemwa.
"Ni... Ni... Nithiyerepo Chaze. Dishesha
nakupumura. Mbadi na kupura karo munu,"
gha rombire.




"Nawana dyodikuru," gha kuyere Joy. Gha
tapire dimurwa dyendi kwaNtuala.




“Muyende mukayowane,” gha ghambire Ntwala ko hashengeteya. Waheya hatjirere mumeyu, hakugherire ghu tutuma kughutenda gho meyu gho murware rwaZambezi.




“Maria rombe mathigherero,” gha ghambire Namasiku. “Chaze naye gha muhuthe, gha ghambire Joy. “Ca, mbadi ghuhunga kukupumaghura,” gha ghambire Ntwala.




Ntwala ghepure hashengeteya waheya
hate nde dikandero ghuhungumana. "Ngepi
gha tutongwere mukuru gho shure?" ghepure.
"Kurwa ne kumango. Hanu hokurwa ne
hakona kuwana mahumbithero;" gha
ghambire Nakamwu.




Ntwala ghemanine kumbombwa. Gha
kaverere ngeshi kodhidi ngandu. Gha rorere
hashengeteya hohakuru hakuutangawera
kuyowana no kuvera. Gha rorere
hakamadighana ha kukuhonga kuyowana
ghutjakaghura meyu.




“Ruvdhe ro mutangu,” gha kugherire paghuhura. “Mwimane mumuyira.” Gha shimbire dimurwa dyodikuru no kudivukuma murware.




“Maria! Yinje ghuna pumwera Chaze?” ghepure Ntwala. Ghana wini mutangu gho kuyomana. Mbadi ghuwa kenge,” Maria gha ghambirere.




Maria gha karire mumughongo wa Chaze no
gha muthindekire pamuve.Chaze gha tangire
kudira.” Nanyi gha ka kupume nyina Chaze,
gha gambire Joy kwaMaria.




“Fotji, wadi, hatu. MUYENDE!” ghet hire.
Hanuke hatjirere mumeyu ghuyogha
kudimurwa. Ntwala gha wa rorere.




“Yame gho kutangerera!” gha kughere Maria naCaze paruvédhe rofotji. “Mwaheya yamwe ghokutangerera,” gha ghambire Ntwala.




Hanuke hayendire kudimbo naNtwala. “Tuthimwetwedhe thithimwa, Ntwala,” ha rombire. Awo ha hakire kutegherera yithimwa yendi.




"Yame gho kutangereira!" gha kugherire
Chaze. Maria gha shayekire kuyogha. "Chaze
yodiye muwini," gha ghambire Ntwala. Ghuna
rughana thiwana, Chaze. Mutuyende keho
kudighumbo."



"Nashana kukutangawera karo," gha
ghambire Maria. "Ewa!" gha ghambire Chaze.
"Kukona ndi Ntwala?" hepure hashengeteya
hamweya.



“Mwimane karo mumuyira,” gha wa tongwere Ntwala. Gha shimbire dimurwa no kudivukumena kukayenda thikuma.



“Fotji, wadi, hatu. MUYENDE!” gha kugherire. Hanuke hatjirere murware ghuyogha kudimurwa. Ntwala gha wa rorere.